



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**L. Annæi Senecæ Philosophi Opera, Qvæ Exstant Omnia**

**Seneca, Lucius Annaeus <Philosophus>**

**Antverpiæ, 1605**

Epist. XCVI.

[urn:nbn:de:hbz:466:1-53700](#)

A veros vicinosque non horreat: cum contra decem legiones, & Gallicā auxilia, & mixta barbarica arma ciuilibus, vocem liberam mitrat, & Remp. hortetur, ne pro libertate decidat, sed omnia experiatur, honestius in seruitutem casura, quam itura? Quantum in illo vigoris ac spiritus, quantum in publicā trepidatione fiducia est? Scit se vnum esse, de cuius statu non agatur: non queri, an liber Cato, sed an inter liberos sit. Inde periculorum gladiorumque contemptus. Libet admirantem inuictam constantiam virtutis, inter publicas ruinas non labantis, dicere: *Luxuria que toris animosum peccatum.* Proderit non tantum quales esse soleant boni viri, dicere, formamque corum & lineamenta deducere: sed quales fuerint narrare, & exponere Catonis illud ultimum ac fortissimum vulnus, per quod <sup>60</sup> libertas amisit animam: Læli sapientiam, & cum suo Scipione concordiam: alterius Catonis domi fortisque egregia facta: <sup>61</sup> Tuberonis ligneos lectulos, cum in publicum sternerentur, hædinasque pro stragulis pelles, & <sup>62</sup> ante ipsius Iouis cellam proposita contiuis vasa fictilia, quid aliud est, paupertatem in Capitolo consecrare? Ut nullum aliud factum eius habeam, quo illum Catonibus inscrat, hoc parum credimus? Censura fuit illa, non cæna. O quam ignorant homines cupidi glorie, quid illa sit, aut quemadmodum petenda! Illo die populus Romanus multorum supellectilem spectavit, vniuersus miratus est. Omnia illorum aurum argentumque fractum est, & milles conflatum: at omnibus saeculis Tuberonis fictilia durabunt.

## EPIST. XCVI.

CONTRA Querulos: & omnia à Fato ac Deo cœnire. Quid igitur indignamur? Pa-  
reamus ipsis, aut potius assentiamur.

**C** **T**AMEN tu indignaris aliquid, aut quereris: & non intelligis, nihil esse in istis ma-  
li, nisi hoc vnum, quod indignaris & quereris? Si me interrogas, nihil puto viro  
miserum, nisi aliquid esse in rerum naturâ putet miserum. <sup>1</sup> Non feram me, quo die  
aliquid ferre non potero. Malè valeo? pars fati est. Familia decubuit? fenus offendit? do-  
mus crepuit? damna, vulnera, labores, metus incurruunt? Solet fieri. hoc parum est: de-  
buit fieri. decernuntur ista, non accident. Si quid credis mihi, intimos affectus meos ti-  
bi cummaxime detego: in omnibus que aduersa videntur & dura, sic formatus sum.  
<sup>2</sup> Non pareo Deo, sed assentior: ex animo illum, non quia necesse est, sequor. Nihil vnu-  
quain mihi incidet, quod tristis excipiam, quod malo vultu: nullum tributum inuitus  
conferam. Omnia autem ad quæ gemimus, quæ expauescimus, tributa vita sunt. Ho-  
rum, mihi Lucili, nec speraueris immunitatem, nec petieris. Vesicæ te dolor inquietauit:  
<sup>3</sup> epulae fuerunt parum dulces: detrimenta continua: proprius accedam, <sup>4</sup> de capite ti-  
muisti. Quid tu, nesciebas hæc te optare, cum optares senectutem? Omnia ista in longâ  
vitâ sunt, quomodo in longâ viâ & puluis & lutum & pluvia. Sed volebam, inquis, vi-  
**D**carere tamen incommodis omnibus. Tam effeminata vox virum dedecet. Videris,  
quemadmodum hoc votum meum excipias: ego illud magno animo, non tantum bo-  
no facio. Neque dij, neque deat faciant, vt te <sup>5</sup> fortuna in deliciis habeat. Ipse te inter-  
roga,

60. LIBERTAS AMISIT.] *Henry Stephanus, & finis vite Stoicis, Naturam id est Deum sequi. Ego in Manud. II. Differt. XIX.*

61. TUBERONIS LIGNEOS.] *Vide Valerium lib. VII. cap. V. Ciceronem pro Murena.*

62. ANTE IPSIUS IOVIS.] *Epulo publico, in Capitolo. Adde epist. XCVIII.*

EPIST. XCVI. i. NON FERAM ME.] *Male mihi erit, de me querar & angari.*

2. NON PAREO DEO, SED.] *Vera sapientia,*

<sup>3</sup>. EPIVLA FVERVNT.] *Alias, epistulæ: nec spernam. Epistola scilicet, quæ talia tristia nunciaturunt.*

4. DE CAPITE TIMVISTI.] *Suprà epist. XXIV.*

<sup>5</sup>. FORTUNA IN DELICIIS.] *Tale de-  
Pronidemiam cap. I. Deus bonum virum in deliciis  
non habet.*

roga, si quis potestatem tibi Deus faciat, vtrum velis viuere in macello, an in castris. At A qui viuere, mi Lucili, militare est. Itaque hi qui iactantur, & per operosa atque ardua sursum atque deorsum eunt, & expeditiones periculosis obeunt, fortes viri sunt, primoresque castrorum: isti quos <sup>6</sup> publica quies, aliis laborantibus molliter habet, Turturillæ sunt, tuti contumeliaz causâ.

## E P I S T . X C V I I .

E T nunc, & olim, fuisse malos. Exemplum à iudicio Clodiano, quod ille nummis & adulteriis corruptit. De vi deinde Conscientie, damnari ab ea mala, atque etiam puniri interno flagello aut mortu.

**E**RRAS, mi Lucili, si existimas nostri sæculi esse vitium, luxuriam & negligentiam B boni moris, & alia quæ obiicit suis quisque temporibus. Hominum sunt ista, non temporum: nulla ætas vacuit à culpâ. Et si æstimare licentiam cuiusque sæculi incipias: pudet dicere, numquam apertius, quam coram Catone, peccatum est. Credat aliquis pecuniam esse versatam in eo iudicio, in quo reus erat Clodius, ob id adulterium, quod cum Cæsar's vxore in operto commiserat, violatis religionibus eius sacrificij, quod pro populo fieri dicitur, sic submotis extra conspectum omnibus viris, ut pictura quoque masculorum animalium contingantur. Atqui dati iudicibus nummi sunt: & quod hac etiamnum pactione turpius est, supra insuper matronarum & adolescentulorum nobilium, <sup>3</sup> salarij loco exæcta sunt. Minus criminis, quam absolutione, peccatum est. Adulterij reus, adulteria diuinit: nec ante fuit de salute securus, quam similes sui iudices suos reddidit. Hæc in eo iudicio facta sunt, in quo, si nihil aliud, Cato testimonium dixerat. Ipsa ponam verba Ciceronis, quia res fidem excedit: Accersuit ad se, promisit, intercessit, dedit. Jam verò, ô dñs boni, rem perditam! etiam noctes certarum mulierum, C atque adolescentulorum nobilium introductiones, nonnullis iudicibus pro mercedis cumulo fuerunt. Non vacat de pretio queri, plus in accessionibus suit. Vis seueri illius vxorem? dabo illam. Vis diuitis? huius quoque tibi præstabo concubitum. Adulterium vbi feceris, dama. Illa formosa quam desideras, veniet: illius tibi nocte promitto, nec differo: intra coimperenditionem, fides promissi mei stabit. Plus est distribuere adulteria, quam facere: illud est <sup>4</sup> matribus familiae denunciare, hoc illudere. Hi iudices Clodiani à senatu petierant præsidium, quod non erat nisi damnaturis necessarium: & impetravabant. Itaque eleganter illis Catulus, absoluto reo: Quid vos, inquit, præsidium à nobis petebatis? an, ne nummi vobis eriperentur? Inter hos tamen iocos, impune tulit ante iudicium adulteri, in iudicio leno: qui damnationem peius effugit, quam meruit. Quidquam suis fe cor-

6. PUBLICA QVIES.] Quidam libri putrida, alij, putida: sed illud teneo, & ad publicam pacem refero.

7. TVRTVRILLÆ SVNT.] Vacillamus ego atque alij in hoc loco, ecce una Ifidori (è Glassario nuper publicato) notula nos firmat, à Petro Scrituero, eruditio viro suggesta: Turturilla. ita dictus locus, in quo corruptela siebant, quod ibi turturi opera daretur, id est panem. Legò in extremo, id est ganeæ. Talia autem loca & homines tui, non per honorem, sed conumeliam, & quia spernuntur.

EPIST. XCVII. 1. PRO POPVLO.] Vide Ciceronem 1. ad Atticum, omnia exequentem. Fiebat autem sacrum hoc Bone deo, per Virgines Vestas, id pro salute populi Romani.

2. VT PICTVRÆ QVOQVE.] Iuuenal. in Sat. vi.  
— sed omnes

Nouerunt Mauri atque Indi, quæ psaltria penem

Illuc, testiculi sibi conscius unde fugit mus, Intulerit, vbi velar pictura iubetur Quæcumque alterius sexus imitata figurâ est, de ipso hoc Clodio, qui Psaltriae habitu cō penetrauit.

3. SALARIJ LÖCO.] Me & alij scripti, stilari loco. Sanè Stillarium aliquis interpretetur pro additamento vel auctario, quod supra legitimam mensuram in liquidis, velut stillando, datur. Et hinc metaphorâ. Ipse mox Seneca, accessionem vocat: & Cicero, mercedis cumulum.

4. MATRIBVS FAMILIAE DENVNCIARE.] Velut imperium in eas exercere, & per minas ad alium mittere, quod plus est, quam per blanditiæ surrepere & illudere.

5. FLORA-